


Phuk lai sigang khri: tawx daux krax son
kawn nyawm wax



Noax mai pa
kheem: rawm



Cao pa ti.iem: Edward Hughes
Pa daox paam: Byron Unger; Lazarus; Alastair P.
Cox khre: M. Maillot; Tammy S.
Cao sitoe: Iox Sarama Am Chaw
Cao: pa yuh lih: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2021 Bible for Children, Inc.

phan: caomaix sang yuh Lih son sang coh "Ang chix" sang tuk,
sang rhoi: tawx kah pui "chix tix".



Noax mawh pwi pa krub kah siyiex. Pwi pa ang krub: kah siyiex mai ang nghiet lox siyiex, "Siyiex sang yuh kix laux tau mai haktiex heu-e.


Aux tag sang priex maix
mai; nyiex
ma: daoh
doe; maix
heu-e".



Siyiex tawx satix kah Noax sonsang kieh
rawn ting kheem: kah haktiex heu-e.

Siyiex kieh Noax yuh reu: pating khaing
nyiiex son moeng kawn: mai "tosat"
khan kix heu-e. Awm: gum lox pa
tawx siyiex nawh yuh reu: pa
ting heu-e.





Pwi "Nyiah" ka
Noax, kheu yuh
nawh reu: Nawh
krai grawh grawng
yuh nawh
reu: mai

krai lox
bwan cie
siyandex heu-e.
Viang mawh nan:
pui ang nghiiet tix
kaux kawx.






Noax yumrhaw: kah
gumlox siyiex, pa sang
keih rhawm kheem; kah
haktiex pa ang nyang
hoek. Khaix yuh reu:
Noax sau: ceu pa krai
siyiex ka nawh daux
reu: heu-e.




Siyeix teei tosat mhaing mai shiang: pasingax aliah
ku, mai tosat pa ang singax ra: ku, sim pating pa iak,
sat pating riang mai paiak riang sau: daux
reuting heu-e.




Pwi nyiah mai ah kah Noax kheu
sau: nawh patawm siyiex daux
reu: pwi khan kix ang pon
tie ka pa yuh siyiex. Ang
chawk tix sang laig
daux reu: nang.





"Tosat"
khawm
uik hoik laig
daux reu: siyandex
ah ka Naox "maix
mai moeng, kawn simex
3 kaux mun: 3 kaux laig
daux reu:" khaix an: siyandex
nyeep siviex reuting heu-e.





Lhiex ting hoek
dom: mawx doman:
rheung: tipon
singaix heu-e.






Rawm kheem:
kah meung, nyiex
yaong phaox. Gawngting gawngiak
kawx hoik rheem: tix uik. Kuceu
hoik yum: daux rawm heu-e.




Rawm hoik haok,
reu kawx sibroe:
hawt rawm heu-e.





Rawm kheem: hoik koe: 5 khix,
150 singaix. Siyiex kieh bhaung
ting lih phlu: kah piang haktiex.
Mai rawm khankix dieh hu: sipie.





Reu: kawx tum: kah piang
choek gawng Ararat heu-e
Naox baox ot ka daux reu
40 singaix mai bau:
rawmhit.



Noax paoh sivie^x iak, Nawh ploⁱ; sim sikaux mai lak.
Mawh kheu ang nyang hit sim sikaux ang koe: dee
tum: sim an: deeh hoek.





Khaix an: tix tauh Noax baox ploi; sikau tix mu; sim sikaux deeh hoek mai viex lhax khaox sanlon kah gaoh tix. Noax baox pau aliah singaix nawh tawng rawm hit baox plai: sikaux hu: sim an: ang lai deeh.




Siyiex ah ka Noax. Chix tix Lih khaing
reu: phaox. Moeng maix mai, kawn
maix, mun maix, tosat pa koe: daux
rue Lih tau: heu-e.



Khaix an: Noax
yuh khu: dee tan:
son siyiex mai kix
krub kah siyiex
heu-e. Kheu
siyiex taoh kix
khaing dee Lhat
dee graung heu-e.





Siyiex yuh
sijax mukheu:
kah Noax. Can pa
Lih khaing daux reu
hu: sivoe ngai: Aux ang
Lai baox kieh rawm
kheem:

piang haktiex Jao
phimap. Daux si
Nax pex mai aux,
aux deuh siyawng
mukheu: kah daux
paiawm: heu-e.



Khaix kheem: rawm Noax mai nyiex ma:
kix deeh yaox tix jah pa khraox.

Yaman: piang haktiex ang pwi


Lai koe: heu-e. Jah kah

daohdoe: Noax, Daohxdoe:

kawn praix nawh.

Mawh kheu nan:

Pwi piang haktiex
kaoh khaing kix heu-e.



Noax mai pa kheem: rawm


Grawh grawng: Jah pui tix yaox krax

Lauxrhawm koe: daux phuk lai

Lai yam Jah 6-10

"Gum lox Siyiex mawh pa riiang."
Lai yaog yaw 119:130





Hoik hoit

3

60



Phuk lai siyiex krai ceu padaox paam: pa yuh siyiex.
Nawh cao phan: ex kawn pui mai simie ex tawng ka nawh.

Siyiex tawng ex yuh pa khreeing pa brai: (an: heu-e mawh phimap.) Ngawh phimap mawh krax yum. Viang mawh nan: siyiex sidaing moh ka maix nawh tawx kawn Ai tix, yesux yum son maix piang khaox lhak. Yesux kaoh khaing krax yum mai; ing meung raoma: phan maix yum rhawm ka nawh cao: maix rawg tix pluat ploi: phimap maix. Nawh sang pluat ploi: phimap maix mai; nawh cao: sang ot tau mai maix leeing ju heu-e.

Phan maix yumrhawm graghrawng in mawh te te.
Maix ah nin kah siyiex. Siyiex eu-e Aux yumrhawm kah maix.
Maix mawh siyiex aux. Maix lih piang haktiex son sang taoh aux.
Yamin kawx maix im: leeing ju:. Yuh bwan son pluat ploi: phimap aux mai; laig ot tau mai aux liak. Aux sang im: mai; tixngaix sax sang ing ot tau mai maix leeing ju heu-e. Teem aux liak son sang mawh kawn maix mai nabyamg kamaix heu-e. (A min)

Phat lai Yohan 3:16 phat ku singaix mai;
rawg bwan ku singaix awx.

